



Terenga 4: Hōtaka 38 - muri / mua

He Mihi

Nau mai rā ki te kūemitanga o te hunga e kūwata nei kia ora te reo Māori mō ake tonu atu. Ka pērā ki te tohe tonu tātou ki te kōrero i te reo, ao noa, pō noa.

Hei Mahi Whakarongo

Ka riro mā te rōpū waiata e kawe ngā whakaaro hei matapaki mā tātou ā muri ake nei. I a koutou e whakarongo ana, tēnā whakautua ēnei pātai:

1. He aha te whakapono o te rōpū nei?
2. He aha ngā kaupapa matua o tā rātou waiata?
3. He aha te whānuitanga o te kōrero 'tōku muri, tōku au, tōku mua'?

Kia tahuri tātou ki te whakarongo ki te whenumitanga o ngā reo rōreka o ngā tāne nei.

He Whakamārama

Mehemea e whakaaro ana tātou ki te wā e tū ai tētehi mahi, kāore e kore ka whai pānga ngā kupu e rua nei ki te rerenga kōrero:

muri / mua

Ka rerekē te wā e hāngai ana ki ēnei kupu mena kei mua i te kupu 'i', te kupu 'ā' rānei.

Ā muri i tēnā = *After that (future)*

I muri i tēnā = *After that (past)*

Anei hoki ētehi kīanga wā e whakamahi ana i te 'muri', i te 'mua' rānei:

- I muri tata i tēnā... *Just after that (past)*
- I mua tata mai i tēnā... *Just before that (past)*
- Nō muri rawa mai ka... *After some time (past)*
- I tae atu mātou i mua noa atu... *We arrived ages ago (past)*

Hei Mahi

Rapua kia toru ngā whakataukī e mau ana i te kupu 'mua' me te kupu 'muri':

- 1.
- 2.
- 3.

He tīwhiri: Kei roto i tā Mead pukapuka e kīia nei, ko 'Ngā Pēpeha a ngā Tūpuna' te mahi a te whakataukī hei āwhina i a koe.

Whakautu:

1. E mua kai kai, e muri kai hūare.
2. E mua āta haere, e muri tātākino.
3. E ngaki ana a mua, e tōtō mai ana a muri